

Via Veritatis Ad Vitam Sev Exercitia Spiritvalia

Haineuve, Julien

Antverpiae, 1652

Septima Veritas. Quod si ad vitam alteram periculum immineat, inde esse, si malè moriamur, malè autem moriendi periculum inde oriri, si ex legibus inordinatorum nostrorum affectum viuamus.

[urn:nbn:de:hbz:466:1-60125](#)

TERTIVS DIES

De Nouissimis, quæ efficiunt, ut
pericula, in quæ præcipites
ruimus, melius agnoscantur,
apprehendanturque,

SEPTIMA VERITAS.

Quod si ad vitam alteram periculum immi-
neat, inde esse simile moriamur; male au-
tem moriendi periculum inde oriri, si ex
legibus immoderatorum nostrorum affe-
ctuum viuamus.

*Si secundum carnem vixeritis, mo-
riemini.* Rom. 8.

MEDITATIO

de hac septima veritate.

I. PUNCTVM.

Declaratio eiusdem.

Tanti momenti est rectè semel animo
concepisse, quod non sit, nisi unicum in
hoc mundo negotium nostrum perue-
niendi

niendi ad finem nobis constitutum, quod
que eò non perueniatur, sed recrò abeat
potius, cùm vita dicitur ex moribus natura
inordinatis, vt ipsum satis momentum ne-
queat comprehendendi.

Inter omnia verò argumenta, quæ perfi-
cere possint has in nobis cognitiones tam
necessarias, præcipuum, & aptissimum est,
consideratio(a) Nouissimorū, & earum ve-
ritatum, quæ inde educuntur; quare illæ op-
portuniſſimè prioribus succedunt, vt ex ijs
clariūs perspiciamus, apprehendamusque
pericula, in quæ ruimus præcipites, non per-
tingendi ad finem nostrum nisi aliter, quām
hactenus, moderando vitam nostram, no-
ſtrosque affectus naturales, progrediamur.
Ad hoc septima veritas, quæ exhibet mortis
memoriam, nobis exponit, quod sicut alte-
rius vitæ status pendet à morte, ita quoque
mors pendeat à statu huius vitæ, & quemad-
modum, periculum ratione æternitatis inde
oritur, si malè moriaris, sic etiam malè mo-
riendi periculum inde proueniat, si teste
D. Paulo, secundum carnem vixeris, id
est, secundum naturæ motus non or-
dinatos; ita vt, quantum nos ad bonam
felicemque mortem anhelamus, tantum

quoque
(a) Melius est ire ad domum luctus quām ad do-
mum coniuūj; in illa enim finis cunctorum admo-
netur hominum, & viuens cogitat, quid futurum
sit. Eccl. 7.

quoque debeamus operæ adhibere compo-
nendis illis naturæ motibus , idque seriò
nunc statuere , vnde felix mors pendet ac
æternitas.

Considera igitur i. seriùs aut ocyùs , nobis
esse moriendum , nihil eo certius est; sed ne-
que incertiùs, si tempus, si locum , si modum,
seu ratione animæ , seu corporis , attendas.
Immorare paulisper huic considerationi , &
eam penitiùs minutiusque perscrutare , pro-
ponendo tibi eos , quos aliquando vidisti
morientes , dicendoque : ah ! (a) ista fors
nos manet, decretum est, eò damnati sumus,
de horâ dunitaxat incerti ; ô horam ! à qua
pendet æternitas.

Atque illud secundo loco tibi agnoscen-
dum est , quòd status vitæ alterius pendeat
à morte: (b) quòd talis iudicandus sis, qualem
te postrema hæc hora occupauerit: quod-
que ab hoc iudicio alterius vitæ status con-
stituatur. Nihil hoc decessu verius est,
sed neque horribilis hac consecutione al-
terutrius æternitatis quæ ab eo penderet: Hinc

E 5

pari

(a) Memor esto, quoniam mors non tardat. Testamen-
tum enim huius mundi, Morte morieris. Eccl. 14.

(b) Quoniam ibit homo in domum æternitatis sue.
Eccl. 12.

In quo quemque inuenierit suus nouissimus dies , in
hoc eum comprehendet Mundi nouissimus dies: quo-
niam qualis in die illo quisque moritur, talis in die
illo indicabitur. August. epist. 80.

quod-
beatur
natura
um ne-
perfi-
es tam
um est,
um ve-
llæ op-
t ex ijs
usque
on per-
quam
n, no-
amur.
nortis
t alte-
uoque
rmad.
is inde
e mo-
i teste
is, id
n or-
onam-
ntum
ioque
ad do-
admo-
utrum

pari desiderio ferimur in bonam mortem & felicem æternitatem , quod scimus hanc illi succedere ; & eandem etiam ob causam appetere debemus vitam bonam , quod illam excipere soleat fortunata mors , uti fortunata mortem beatæ æternitas.

Inhaere his paulò diutius, ut conuincas intellectum , qui non tam facile huic secundo membro propositæ veritatis assentitur , ac primò; quod videamus non nunquam emori nonnullos felicissimè , qui vitam non bene traduxerant , adeoque ex vita sententiam de morte ferri non posse , sed errorem excute , & disce dum asseritur , mortem pendere à vita , verum dici iuxta leges ordinarias viuenti moriendi à Deo constitutas : quod si verò visum illi aliquando sit , aliter dispone . re , illius vnius est , soluere leges suas , quod facere nullo nos modo possumus : adeoque si lex est Justitiae illius & Prouidentiae , non largiri felicem mortem bene viuentibus , illi inherendum est , æquè ac alijs ipsius communibus decretis , nisi inconsultæ fiduciæ reus habéri velis ; quo modo ineptus ille , temerariusque meritò censeretur , qui nollet edere , ut viueret , aut victui necessaria comparare , cùm eæ sint ordinariæ leges diuinæ prouidentiae , quæ ad conseruandam vitam nostram pertinent , quibusque obsequi tenemur quamquam aliter disponat de quibusdam ,

et si quis fugit

quos

quos alit, et si nō edāt, & quibus vlt̄d, nō sollicitus, de victu prouidet: Exemptiones illæ sunt & Gratiae peculiares, è quibus argumentari nō liceat, quæc; nos à communibus, & vulgatis legibus non absoluunt. Eadem ratione, tametsi Deus ex infinita sua misericordia fortunatam mortem ijs largiatur, qui illam promeriti non sunt, nihil de hac misericordia nobis arrogare debemus, nosque eximere æquissimæ legi, quam statuit; vt, si consequi velimus felicem mortem, oporteat illam yiuendo promereris; aut saltem non demereri, neque se opponere legibus & medijs, quæ ad mortem felicem nos disponunt.

Dici præterea posset, non omnes illos benè mori, qui benè mori videntur, sicut è contrario mortes subinde terribiles accidunt, quæ tamē non desinunt esse bonæ & pretiosæ in conspectu Domini, ita vt nostrum non sit ex specie morientis exteriori, de bona malâve morte iudicare: ad solū Deum spectat, eius rei ferre sententiam; quod verò nos securissimè pronuntiare possumus, est illud affatū nostræ veritatis: ita pēdere mortē à vita, quemadmodū à morte pendet æternitas. Id scriptura, (a)

E 6 id

(a) Mortē timetis, quare non cauetis! Illud potius time, quod si nolis, non erit: peccare time; quia si amaueris peccata in aliā mortem irrues, quod posses non venire, si non amares peccata. Mori male times, & male vivere non times? corrige male vivere, time male mori. Aug. fūse l. de disc. Christ. c. 11, & 12.

id Patres, id ratio tam manifestè common-
strant, ut ad fidem faciendam, eos audisse, si
satis.

Sed quod adhuc accuratiōri consideratio-
ne expendi debet, est, quod status virtū in af-
fectuum indulgentia transactæ, status sit ad
benē inoriendum perquām periculosus: nam
ad benē moriendum, requiritur is status, vi-
quis possit sine nota se rēsistere Iudici suo,
audireque op̄iatam sententiam suæ in cæ-
lum admissionis, at istum statum virtutes
componunt, Humilitas, Patientia Mansueru-
do, Charitas, Religio, atque aliæ, sine quibus
anima compareret oppositis infecta vitiis,
adeoque plena confusione, & Iudicis senten-
tiā aduersus se prævertens, Iudicis, tam
virtia abominantis, quantum virtutes in de-
licijs habet. Verūm qualium virtutum deco-
ra sperare is debet in hora mortis, & eo proxi-
mè instanti, quo Iudici suo sistendus est, qui
vitam omnē ex pr̄scripto naturalium suorū
affectuum traduxit? virtutūne in vita, an in
morte exercitarum? at à vita nullas habet aut
paucissimas, vt qui plerūq; magis cupidita-
tibus suis & naturæ, quam gratiæ & rationi
sit obsecutus. Caret humilitate, cuius mino-
rem, quam honoris sui rationem habuit,
vbi de illa exercenda res agebatur; deficit Pa-
tientia, cùm adversa iniquo potius animo,
quam æquo tulerit; ita cæteras prosequere,
talibus enim casibus, dum vivitur, exercenda
virtus

virtus est, ut de ea post hanc vitam ferri iudicium queat, quod si ad mortem usque exercitum differt virtutum, neque aliæ exhibentur diuino tribunali, ah! vereor, ut seræ nimis sint, & timendum cum D. Augustino, (a) ne & ipsæ cum infirmo, infirmentur & cum moriente ipsæ quoque expirent. Nunquid, aiebat Christus, colligunt de spinis vias & de tribulis ficas? (b) responde, & responsum tuum applica argumento propositæ Veritatis: hic enim spectat interrogatio Christi Domini.

(a) Quomodo enim penitentiam agere possit, qui nulla iam pro se opera satisfactionis agere potest? & ideo pænitentia, quæ ab infirmo petitur, infirma est; pænitentia, quæ à moriente petitur, timeo ne eis ipsa moriatur. Aug. Serm. 57. de Temp.

(b) Matth. 7.

II. PVNCTVM.

Adversio ad vitam præteritam & statum praesentem.

SI fateris hominem virtutibus destitutum, de felici morte securum esse non posse, & eum virtutibus destitui, qui vivit ex præscriptio morum naturalium, cum virtutum sit, eos moderari: Quid tu speras postremo illo vitae tuæ momento, quod primum alterius futurum est? tu qui à virtute,

te , ab humilitate , à patientia , omnino vacuus es ? tu qui nulla re abundas , quām amore tui , illo omnium virtutum inimico? scis , quid obiectum illi fuerit , qui habitu indecenti irrepserat in nuptiale conuiuium?

(a) *Amice, quomodo huc intrasti, non habens vestem nuptialem? at ille obmutuit.* Tu vero quid dices , cūm videbis tam esse virtutes propria cælestium nuppiarum vestimenta , quām nunc agnoscis nullas à te per vitam exerceri? quis dolor , quod probrum!

(b) *Nullum inquiunt, virtutis signum valimus ostendere.* Ah ! quantò conducibilis foret , nunc sese confundere , serioque animi decreto id aggredi , (c) quod fecisse tum vellemus , quām pati confusionem mali , nulla arte , sarcendi?

Sed ut te perfectius cognoscas , noli te intueri in eo statu , in quo nunc forsitan es , tempore tuorum Exercitiorum , nunc enim , ut quidem videtur , nihil in te non compostum , non moderatum est : Considera te potius , qualem te in occasionibus , Charitatis , Mansuetudinis , Humilitatis , aliarumque virtutum exhibeas , in his enim veram rui præbes

(a) *Matth. 22.*

(b) *Sap. 5.*

(c) *Nescis quia tu es miser , & miserabilis , & pauper , & cecus , & nudus suadeo tibi emere à me autum ignitum probatum , ut locuples fias , & vestimentis albis induaris , & non appareat confusio nuditatis tuae , Apoc. 3.*

bes noritiam, & hinc clare cognosces, quām paucis, aut omnino nullis (a) virtutibus sis instructus.

(a) Scio opera tua quia nomen habes quod vivas & mortuus es. Esto vigilans & confirma cetera, quae moritura erant. Non enim invenio opera tua plena coram Deo meo Apoc. 3.

III. PUNCTVM.

Propositum in futurum.

Q Vid post hæc agendum est? (a) Memoria recole tres hasce propositiones ut melius intelligas, quid agere te oporteat. 1. venturam aliquando horam illam, idque certè, quā agnoscetis vitam tuam omnem, in naturalium tuorum affectuum obsequio defluxisse vitam eo modo traductam in hora mortis reperiiri virtutibus vacuam, & 3. Mortem tali sine virtutibus vitae succedentem, expondere animam ingenti periculo, quoad aeternitatem.

Hinc delibera, velisne adire discriminem tam manifestum: & cum metus huius adeundi discriminis non aliunde proveniat, quām quod effrenatae naturæ impetu nos abripi

(b) Si annis multi viueret homo, & in his omnibus letatus fuerit, meminisse debet tenebrosi temporis, & dierum, qui cum venerint, vanitatis arguentur præterita. Eccl. II.

abripi sinamus, an dubiū esse possit, quin statuere seriō oporteat, illum tandem compescere ac frēnare. Si quispiā vel quod in potu excessisset, vel imprudenter aliquo cibi fatalis generē stomachum labefactasset, videret propē actum esse de vita; idem tamen recuperata valetudine, ubi eadem iterum excedendi, aut mortiferam illam escam sumendi sese offerret occasio, tantum sibi temperare non posset, ut abstinaret, an non summē intemperantem, meritoque vituperio dignissimum pronuntiares? scito te fore illum, si deinceps iterum redis ad obsequium tuarum cupiditatū, quæ non minus animæ, quam maligna corpori esca, incommodant. Notitia, quam modō cepisti eius discriminis, quod supremo mortis articulo, eæ tibi possunt inferre, tantumdem tibi prodesse, cautioremq; te reddere deberent, atque si supremum illum articulum, & in eo illas vitæ liberioris angustias esses expertus: nam reipsa promeritus es mortem, neque alio nomine tibi à Deo prorogata est vita, quam ut te agnoscas, revoceisque ad frugem meliorem: pœna mortis commutata est in hanc horā meditationis tuæ, ut iam consideres, quid potissimum tibi exprobras. Conscientia, si fuisset ex hac vita discedendum. Vera eloquere, si te mors occuparet, non ut nunc es, sed uti alias, inhiantem deliciis, honoribus & commodis tuis, nihilque aliud cogitantem, nisi quomo-

quomodo indulgeres tuis cupiditatibus, in-
super habens sensuine & appetitu, an ratione
regerentur; supremoque illo abeuntis animæ
momento polleret adhuc ea facultate mens,
ut aduertere posset, quantulæ sint eæ omnes
honorū & voluptatū prosecutiones, quid vi-
deres, quid de ijs sētires, quid loquereris? quid
demū proponeres? (a) eadem nunc propotira
concipe, cū mori nūc possit; & modo te decet
ea facere ex reuerentia Numinis, quæ in hora
mortis desiderabis ex metu; & denique non
erit rūm, quām modō, verius, cuncta animæ
esse vana, misera, periculosaque: non habebis
etiam maiora statuendi, si conualueris, seriam
morum emendationem, argumenta, quām
habeas modō. (b) Apprehensio veritatum in
hora mortis sensibilior esse potest, sed non,
quām in meditatione, solidior, securiorve:
Quin ipsa quæ decernuntur eo tempore pro-
posita, admodūm dubia sunt, exiguique pre-
tij, si cum illis componantur, quæ valetudine

integra

(a) *Quia non infernus confitebitur tibi, neque mors
laudabit te... vivens, vivens ipse confitebitur tibi,
sicut & ego hodie. Ps. 38. Operamini opus ve-
strum ante tempus. Eccles. 51.*

(b) *Si vis agere pœnitentiam tuum, quando peccare non
potes, peccata te dimiscent, non tu illa. August.
hom. 41. Quomodo sub unius horæ articulo re-
uocari posse estimant omnia animæ membra, cu. ns
concupiscentiæ & desideria per totum mundum spar-
sa sunt? Bernard. Serm. 38. in paruis.*

integra fiunt in oratione, vbi sola veritatis cognitio & Gratia operatur: adeoque et si securus etiam fores, tibi neque tum defuturum tempus te excutiendi, præparandi que ad bonam mortem, non deberes tamen eosque differre, quod tempus præsens ad eam rem longè illo sit aptius: neque poteris vñquam luculentius Deo præbere argumentum, te anteacta detestari, raturaque tibi esse, illa resarcire, quam id temporis, cùm adhuc integrum tibi est, mandare executioni propositum tuum, & re ipsa demonstrare, quod nolis amplius obsequi tuis affectibus, qui ab ipsis obsequio te remorantur. ah! Deus meus, nolo, ea animi firmitate, quam in extremis constitutus, vellem me noluisse.

COMPENDIVM MEDITATIONIS in septimam veritatem.

I. PVNCTVM.

Eiusdem declaratio.

Satis persuaderi animo nequeunt pericula, in quæ nos præcipitant vitiis nostri affectus, originem ducentes ab inclinationibus nostris naturalibus, & finem, nisi prouidemus, habentes in æterna nostra damnatione: quare nihil omittendum est eorum, quæ possunt

possunt hæc pericula nostris animis peritus imprimere , inter quæ hæc est de morte Meditatio , iuxta septimam nobis propositam veritatem , cuius duæ sunt partes declarandæ.

Prima est,moriendum esse malamque mortem idcirco formidandam, quod à statu, in quo morimur, pendeat status vitæ alterius. Nunquid ita est ? aliâ sane huius partis declaratione non est opus , sed attenta consideratione, quām sit certum, quantique momenti istud, quod eâ continetur argumentum, huic ergo paulisper vaca.

Secunda est , quod si periculum sit malè moriendi,id inde esse, si malè viuitur, si viuitur ad arbitrium immoderatorum nostrorum affectuum: nam periculum moriendi malè, est mori absque virtute , est comparere coram Iudice sine habitu Humilitatis , Patientiæ, aliasrumque virtutum , quas tantoperè voluit esse commendatas: at ingens,sine his moriendo periculum est, si absq; his vitam traduxeris: traducendi verò vitam absq; his periculū est eidens , si vitam omnem ad arbitrium prauorum tuorum affectuum componas, horum enim moderatio virtutem efficit, pariter ac ab immoderatione vitium constituitur; ideoque cōclude, illum expositum esse malè moriendi periculo, qui viuens affectibus indulget:nā et si moriturus apud sacerdotē peccata sua deponat, videaturque magno sensu pietatis expirare,

rare, tales ramen mortes s̄æpe non sunt tam securæ, quam existimantur; & qui tum primum pius, humilis, & probus esse constituit, cùm mors instat, nimirum differt, quam ut bene moriatur. Id enim uerò est habere virtutes mortis, non vitæ, & quisquis moriendo caret virtutibus vitæ, cum maximo periculo moritur, cùm sequens Iudicium non solum de actionibus & virtutibus mortis instituatur, verùm etiam de toto vitæ decursu. O quam ergo verum est, totum malè moriendi periculū oriri à vita affectuum impetu traducta, & horrendum esse, ijs viuentem obsequi, à quibus exponitur manifesto periculo malæ mortis, & miserrimæ æternitatis!

II. P VNCT V M.

Aduersio ad vitam præteritam, præsentemque.

TVum iam est videre, an non sis in eo male moriendi periculo, tuum est, agnosce-re, an si nunc moriendum esset, eo sis instru-ctus virtutum apparatu, qui necessarius est, ne hoc cælesti conuiuio extrudaris, ut ille qui se in cænam Euangelicam insinuauerat sine veste nuptiali, habeatne illam animi demissio-nem, quæ amet sui contemptum? eam Pa-tientiam, quæ aduersis delectetur? illam Ca-ritatem, quæ etiam inimicos complestatu-
illas

illas tot virtutes alias? responde, & noli te intueri, vt nunc es in Exercitijs, sed qualem alias te præstes in occasionibus te demittendi, patiendi, benefaciendi inimicis & alias virtutes exercendi: hinc inuestigare te oportet, num virtute præditus sis, hinc enim Iudicium suum tuus Iudex formabit: cumque aduetas te in ijs præsertim occasionibus defuisse officio tuo, in te fer sententiam, & humiliter agnosce te virtute destitutum, te, si nunc moreris, moriturum male, & si pergas sine virtute viuere, te continuo hæcere in isto male moriendi periculo. ô Periculum! ô quæ vita queat esse in tali periculo secura lætaque!

III. PVNCTVM.

Propositum in futurum.

S Eriūs, aut ocyus, moriendum nobis est, & potius studendum, vt bene moriamur, quām frustra, vt mortem evitemus, si nullo eorum sensu nunc tangeris, quę tibi sub mortem euentura sunt, saltem animo propone sensus & affectus illos, quibus tunc tangareris, seu doloris, ob virtutum inopiam, seu desiderij easdem acquirendi, si vita prorogatur, & cape nunc eadem consilia, quæ caperes supremo isto articulo.

Neque enim alio titulo vita tibi prorogata est, quām vt te emendes, mortem eras meritus,

ritus , sed hactenus tibi indultum est, vt maiore otio te ipsum tandem agnosceres, meliusque ad mortem , quām feceris antehac , te præparares. Vt igitur, cūm tibi discedendum erit ex hac vita & coram Iudice tuo comparendum , certò dolebis fuisse te superbūm, impatientem , alijsque tuis affectibus subiectum, vellesque potius humilitati , patientiæ, & moderandis affectibus studuisse : generoso animo decerne harum virtutum exercitacionem; fac, quod velles te fecisse; tam enim modò verum est, viuendum esse ex virtute, & non ex appetitu, quām verum videbitur morienti: & decretum ex virtute viuendi , longè sincerius, efficacius, Deoque acceptius est, cūm vires valetudoque ad esequendum decretum integræ sunt, quām dum mors præ foribus est, defitque occasio, quæ statueris, exsoluendi , Deus meus ! vereri meritò poteram , ne post tot procrastinationes, non acceptares oblata mea desideria, cūm ecce me etiam stimulas, ad eadem tibi offerenda !